

贛州府志卷三十三

人物志

行誼 耆年附

虔人秉山水湍悍之性頗多尚氣其能卓卓以行誼著稱固鄉黨所重也顧行誼事非一例有其心兼有其力而急於公是為義有力或未至而殷然懷利濟之心隨力施之皆善舉也有篤守庸行之常不怠於正無虞詐刻覈之習非行而質實者歟三行立而行誼統之矣至尊高年養耆老推為人瑞亦尚齒之道則然並繫於後立行誼傳

行誼

元 王 韶 歐陽義端

贛州府志

卷三十三

行誼

明 謝 祐 楊 霖 王子宇 鍾景迪 王叔瓚

王叔鑑三 歐志雄三 黃 綸 曹 黻四人 吳 遂

鍾 瓚 沈朝用二十三 義 胡萬里 廖景華

廖益源三 王 灝 江秦川 郭瑞科 姚應章

吳昌嵩 曹宦榮 曾希仕 李浩亮 賴時雍

龍 韜 郭文斌三 葛昌信 劉餘實 廖 遜

廖 績 鍾守義 鍾世清 蕭 詔 宋九經

鍾 度 王 沛 劉 昂 胡 睿 賴 志

王一宦 鍾味泉 黃紹惠 廖克先 黎金球

堯太乾 李洪亮 曹 柏 張 庠 蕭 輝七

劉 堯八 十一 義 宋宸亨 歐陽光任 賴 全

尹之任 劉應京 郭孟祥  
國朝鍾士奇 徐士孜 曾忠 杜培芳 謝光早

黃德仁 郭順閔 謝國冠 畢華國 劉主祠

杜祥求 唐維謙 鍾肇翊 黃開泰 周斯忠

鍾英燦 廖傑 謝應梅 黃天秩 黃金昂

鄭道謙 羅懋華 郭克奇 韓良能 胡彥銓

張集浩 郭師淳 徐拔俊 廖有燧 鍾子彥

歐陽啟芳 劉子慈 王顯昌 劉維旭 歐陽燾

謝君寅 羅燠著 彭始年 謝君寧 賴上拔

郭大衢 邱國柄 劉良延 何鳳來 吳穎達

劉元首 姚士奎 邱陵 周美帛 劉爾雅

贛州府志

卷三十三

行誼

二

郭行其 曾家英 鍾奇 周德淑 廖泰護

會汝藻 繆世敏 呂鳴鍾 鍾道謙 唐公族

謝承詠 方福昌 陳其舜 宋相允 謝君試

歐陽惠 焦文明 曾學鑄 胡大鯨 黃中斌

鍾大達 姚士奇 袁學賓 蕭志學 劉坤瑞

吳翀 黃允青 歐陽士星 梁大英 凌曰本

徐之璋 曾之佐 劉興瑚 黃登甲 謝君輝

賴期璧 劉國正 賴標 鍾大需 謝大信

蕭良璋 邱懋仁 廖有震 曾為濂 陳堅

周超 熊兆遠 陳文 謝啟均 繆之佑

唐光文 葉子裕 唐盛龍 廖有燠 鍾高接

王廷俊	宋崇智	鍾伯章	劉永柱	謝升
徐嗣溥	徐立孝	謝上安	戴啟元	曾為濬
謝昌	謝建	湛文汪	吳廷章	郭德灝
曹引晃	康天詔	劉承謨	曹起潤	龍宗皇
藍華封	賴文明	曾教益	鍾自宏	歐陽輝光
曾綉峯	郭運臣	康國泰	謝文豹	曹引宿
吳永璘	曾應拔	邱廷儀	王希淑	劉高魁
曹引鳳	曾為溢	李錫逮	楊珮晶	鍾瑛
李春掀	鍾世芳	徐洪愿	胡正馨	邱金榮
鄭廷宣	鄭元志	賴宗達	廖泰蕙	鄭重修
徐洪志	陳以治	曾敏傳	杜春暹	王敬瀚
會敬傳	歐陽恭	劉高揚	歐陽振捷	曾光綬
鍾元亮	曾邦寅			

贛州府志

卷三十三

行誼

三

元

王韶字九成興國人至正壬辰納粟五百石募丁壯三百名助順敘功授本縣副陞正尉興國志

歐陽義端興國人不務仕進敦行守禮五世同居至正間年一百十八歲二子皆九十餘孫七十餘孫孫振祖聞於朝詔樹耆德坊旌之張志

明

謝祐字信齋雩都人邑舊例協助贛縣南康站船夫役又歲編里甲民兵協助會昌安遠版石司奔命頗煩祐赴

闕訟言雩都衝疲隣縣夫船兵目實難協助得旨計度  
又陳狀於院覆除之宏治初下詔求直言祐議一十二  
事言甚切直都御史李昂書天朝牖納四字贈之金澤  
韓邦問歲時存問之張志  
楊霖定南鄉舉竭力事母終身不仕定南志  
王子字字仁居興國人正統辛酉十二月出穀二千餘石  
助賑旌爲義民

鍾景迪興國人正統間出穀二千二百石以賑  
王叔瓚字資重興國人景泰四年十二月出穀一千一百  
石以賑賜獎義民

王叔鑑鍾雅正李彥文皆興國人景泰間各出穀一千六

贛州府志

卷三十三

行誼

四

百石助賑

俱興國志

歐志雄趙雄會昌人景泰間捐穀一千八百石助賑賴勝

先捐穀一千三百石助賑

會昌志

黃綸字孟經信豐人景泰間捐穀助賑旌以義官

曹黻俞執中甘和昂吳志通俱信豐人景泰天順成化間  
俱捐穀助賑賜旌表

吳遂信豐人天順成化間兩捐粟賑濟所活多人事聞特  
賜璽書授承仕郎監坊旌表家建有勅書閣雍正四年

題祀忠義祠

俱張志

鍾瓚字玉文贛縣人成化丙午應詔輸賑授宣議郎嘗率

義兵禦會昌寇有功 柏稿

沈朝用等二十三義士會昌人成化間捐穀助賑會昌志

胡萬里字雲山贛縣人性任俠能詩與廬陵胡貫唱和成

化乙巳府城西北隅北萬里助修有司表其義授宣議

郎創西湖大觀橫田二亭修西隱山寺贛縣志

廖景華興國人成化十五年奉例出穀一千石銀一百兩

賑饑賜冠帶授宣議郎

興國志

廖益源益訓益温興國人成化二十一年奉例各出穀一

千石銀一百兩賑濟均授宣議郎

興國志

王灝贛縣人為邑椽邑中絕軍已諮復續勾丁補伍為子

孫素灝徒步入京上疏奏辦事下清戍司府覈實以覆

得如所奏盡數除豁時舊令蔣曙適遷江西清戍右轄

贛州府志

卷三十三

行誼

五

主其事嘉灝之義贈以十詩

張志

江秦川興國人宏治間都御史金澤建義倉秦川兄弟輸

穀三千石鏹五百兩授宣德郎

興國志

郭瑞科字平沙贛縣人居念親老不忍外遊督耕奉養

言動必循軌度主宗族祀事四十餘年每值祀禮畢昭

穆坐定必表其孝弟力田勤學者命司簿給牒加厚反

是立命司書記所犯多寡予罰學弗成即令力田母為

胥役以壞心術子弟恂恂途遇長者即負薪荷鋤亦必

拱立道左鄉黨化之不聞爭訟

舊志

姚應章字文所贛縣人七歲喪母事繼母黃氏惟謹值歲

荒出所貯平糶好讀內典年七十八召子孫環侍趺坐

忽有香氣息數轉而逝子心仁大順自有傳信豐志

吳昌嵩信豐庠生平生敦行古道一字不入公門邑令陳

琦舉賓筵有以嵩名上者令悉嵩行誼三舉之信豐志

曹宦榮信豐人善解紛爭不暴人短不誇己長恂恂戚里

中有長者風巡按御史旌其閭舊志

會希仕信豐庠生幼失恃事繼母如生母繼母卒居喪盡

禮巡方使者訪良善旌之舊志

李浩亮興國人奉例出穀助賑授七品散秩峒寇之亂領

鄉兵征守會昌有功不受賞歸老自娛興國志

賴時雍龍南人歲貢敦行重義族有祭田邑有義學皆捐

貲為之正德三泐之役時雍與有謀焉張志

贛州府志 卷三十三

行誼

六

龍韜字用光贛縣人以貢為孝豐丞居官清慎秩未滿力

請歸田安恬守分絕無外營王都御史守仁嘉其誼獎

以禮幣檄有司時加存問張志

郭文斌呂彥文郭柏執皆贛人正德間各輸穀千石備賑

葛昌信字雪蘭雩都人正德間江右游饑昌信捐穀一千

六百五十石如是者三詔建坊並賜冠帶

劉餘實字勉軒贛縣人正德辛未河南大饑彰德懷慶疲

於流寇時餘實客汴應詔輸粟六百石助賑授七品冠

帶贛縣志

廖遜龍南人嘉靖三十四年捐租五十石為兩齋薪水費

又捐租二十斛膳學紙筆子尚化捐租五十石糴膏火

邑令周儲有膳學義田記

廖績龍南人後隸定南嘉靖三十六年寇亂令龔有成庸績才僉為長績諭寇以身家利害致忌及亂先陳密狀寇聞之虜其子天秩天秩罵賊見殺績奔龍南都御史吳百朋召至幕下陳勦撫之策檄縣卹其家

鍾守義龍南人後隸定南嘉靖三十八年岑寇亂荼毒甚慘守義攜家奔龍南賊稍息領僕歸耕賊脅助亂守義曰吾有子已長大寧惜一死從爾黨乎賊乃索守義產與之得脫稱義士於鄉里

鍾世清興國人嘉靖間應詔輸穀助賑又捐資修學宮建朱華塔造馬岡鋪廖屋溪二橋屢旌尚義

贛州府志

卷三十三

行誼

七

蕭韶定南人任漳浦主簿廉靜持重居鄉率人為善卒葬本里人號其墓為蕭公墓俱張志

宋九經字六虛信豐人有篤行年逾六十好學不倦不趨勢儵然塵外有古隱君子風舊志

鍾度字于寬興國人幼日記數千言早歲食餼比貢授南安訓導語人曰丈夫不能酬壯志安用是跼蹐為遂不仕篤於行誼撫季父遺孤無間已子

王沛字九德興國人少精舉子業屢躋棘闈不以為意縣令海瑞甚器重之以聞學使者旌其行

劉昂字仲容興國諸生嘗從訓導方孔善學易事繼母備極孝養恬淡無華獨行其志俱興國志

胡詹字石峰安遠廩生不規進取志樂煙霞常為鄉里排  
難解紛不使成訟公庭中無詹之迹安遠志

賴志定南人徙龍南拾潮客遺金於路候三日客至還之

張志

王一宦字魁寰興國人邑寇亂後田多汙萊一宦捐穀千  
石牛百餘隻招集開墾貧而無資藉其力以婚嫁者數  
十家又代人輸賦不責其償鄉里重之興國志

鍾味泉興國人慷慨尚義萬歷間拾南昌洪客金還之客  
欲分其金不受興國縣志舊作鍾惟璵

黃紹惠字菊軒贛縣人萬歷間巡按趙徹行贛親至紹惠  
家悉其實行召至署旌之贛縣志

贛州府志

卷三十三

行誼

廖克先龍南人萬歷間捐五百金開百步陂以灌民田龍南志

黎金球字崆峒贛縣人廣海衛經歷萬歷末捐穀千石賑  
饑又捐千石立義倉出千金置義塚瘞骼邑黃龍舖路  
僻多盜建菴集僧居之並立茶亭受旌獎贛縣志

堯太乾字雷崖安遠人性樂善建橋亭寺觀計費千金萬  
歷八年歲饑捐穀數百石賑濟邑令黃河清上其事給  
以冠帶安遠志

李洪亮興國人奉詔出穀賑饑授七品散秩峒寇之亂領  
鄉兵征守會昌有功不受賞興國志

曹柏信豐人嘗入市有醉人卧道旁探其懷有金楮恐其  
為人所攫掖之歸寢半夜其人大哭問其故曰亡所貸



金吾死柏告以故出其金還之

信豐志

張庠字培蓮信豐人兄廩卒遺孤四庠撫如已子析產悉以膏腴畀之邑學宮迫隘庠獨捐三千金買民房拓之姻族為葬殯婚娶者二十有七人

信豐志

蕭輝等七義士會昌人隆萬間捐穀助賑俱有旌給

俱會昌志

劉箠等八十一義士會昌人崇正間捐穀助賑

宋宸亨崇正九年大饑捐米賑濟上官皆有旌獎

歐陽光任興國人為邑椽以公事至吉州拾遺金一囊守以待亡者還之居家常賑貧乏掩枯齒鄉里仰其善行

興國志

賴全字用謙會昌人與物無忤人利其財中以禍雖得雪

贛州府志

卷三十三

行誼

九

終不與較且脫其人於獄常言仇怨分明非盛德事

張志

尹之任會昌人宋侍講天民裔崇正間捐穀三百石賑饑

縣令欲申之任曰同居一方豈忍秦越相視幸衣食裁

足自當賑之何申為令益高之

會昌志

劉應京字御城信豐人邑有乾鹽餉最厲民鹽賈至故昂

其價自稱藩商倚勢橫行應京訟於官平準其價

信豐志

郭孟祥字敬吾有貸其財不能償者焚其券不令知之崇

正間山寇犯境寇相謂曰此郭善人所居勿擾之

柏志稿

國朝

鍾士奇龍南諸生順治間寇蹂躪太平寨施棺掩骼存卹

孤寡捐租贖二義渡

龍南志

徐士孜字去逸龍南人甲申之亂士孜負祖母及母避賊平舉順治丁酉鄉試性好義常蠲免本邑無藝牙稅兩辰寇至士孜集鄉兵敗之倡建北城護龍臺以壯縣

脉

龍南志訂

曾忠龍南人諸生順治己丑閩寇困城絕食旬餘忠選壯丁乘江漲載穀賑饑奪路入得濟

舊志

杜培芳字幼芳安遠諸生順治壬辰授經會昌聞寇來遽歸居民鍾汝漢以芳地隔寇遠密託白金三十兩與芳挾歸寇至擄漢去三月訛以殺聞芳攜原金還漢妻其妻疑之曰夫禾有三十金亦未有以金託某培芳指天自誓姑受未幾漢逃歸妻述芳還金事漢感服

贛州府志

卷三十三

行誼

謝光早字預照贛縣人性樸直雅好施與值寇亂歲饑捐儲粟平糶邑令黃里楊文正上其事旌之

贛縣志

黃德仁字禮賓信豐人慷慨尚義丙辰之歲寇攻劫圍寨索餉德仁罄家資以紓難衆賴以全

信豐志

郭順閔字端寰贛縣人時兵寇絡繹數以智自全雖在離亂尚周人之急邑令欲上其事順閔避曰吾行吾意不敢以此沽名

舊志

謝國冠字從周信豐人有德量或竊其金知之不言其人慚而逸去後數年其人歸償以倍國冠曰吾未嘗失却之醫士王某積金爲人所賺國冠憫之如失數與之所居小江每暴漲至必覆舟國冠捐建石橋里人欲爲樹

碑力辭之

信豐志

華華國字文伯贛縣人性嗜義邑故竹木入城有稅華國率同人額請得罷又於東津造二渡船

劉主祠字廣居贛縣人性好義里人不能婚葬者必周之

丁卯歲饑減價平糶立義塚三處掩無主骨三百餘骨

俱贛縣志

杜祥球字思南安遠人順治十六年捐銀千兩賑濟邑令

趙獎之

唐維謙字受益安遠人少貧失學好義行順治六年歲饑

粟貴維謙減值售之除夕拾杜某遺金候失者還之杜

曰因迫貸此質身物也

俱安遠志

贛州府志

卷三十三

行誼

十一

鍾肇翊字文運興國人康熙八年內兄王姓者逋賦將鬻

子為僧肇翊代輸撫其子為之擇傳受室後生二子歸

宗

興國志

黃開泰安遠人性樂善嘗拾金二百餘還失者會昌令賈

以臨財無苟旌之

安遠志

周斯忠字蓋碩信豐諸生康熙丙辰邑遭擄斯忠出千金

給賊使去

信豐志

鍾英燦安遠人以篤學博聞著聲後進多從之遊經造就

者皆克砥行

張志

廖傑字異才長寧諸生康熙間歲饑捐米數百石煮粥賑

丁巳海寇至境居民逃竄傑竭力捍禦邑得安堵

長寧志

謝應梅字魁也興國人康熙己未師克崖石捐金贖泰  
二難婦歸其夫同里郭奎明負債將鬻女以償應梅知  
之力阻焚其券邑人義之興國志

黃天秩字用品信豐人善事繼母與伯兄手足相扶持鄉  
黨有爭立為平釋族有私隱田賦陷衆均納者秩為清  
理使不得抵冒衆愈服其公明捐貲建祠其後有登賢  
書者信豐志

黃金昂字人表贛縣諸生嘗捐己產為族祀田構宗祠於  
鹿灘造石堤修路五百餘丈又於鹿灘隔岸及雷公灘  
大都口等處捐金成橋費數千金卒年九十三贛縣志

鄭道謙興國人任浙江常山丞贛州寇發領民兵隨征奏

贛州府志 卷三十三 行誼 十三

捷得賚鈔帛張志

羅懋華字英聚贛縣廩生值兵寇待父惟謹父為人長者  
好施華悉承父志知無不為平生活退終身不入城市  
舊志訂

郭克奇字拙吾贛縣人性質直喜文詞廣購書籍好覽內  
典多行施捨事久之貧無以給用醫藥濟人年七十八  
著有五經通義舊志訂

韓良能雩都諸生父母老病進藥必先嘗夜則侍卧兄弟  
三友愛無間鄉人稱為韓夫子舊志訂

胡彥銓字國士贛縣人父均位當鼎革時脫身避難及歸  
家產為人侵蝕弗計也彥銓為諸生與瑞金楊以兼同

邑孫麟貴友善相切劑篤於內行事其長兄如父視  
兄孤子如已出與人以誠雖微賤皆與均禮犯之者轉  
自慙晚以歲貢選訓導不就舉正賓著有家訓格言藏  
於家

贛縣志訂

張集浩字季穆信豐人敦樸恭儉鄉黨稱長者兩舉良善  
不應巡按李之粹三舉之特旌其廬

舊志

郭師淳信豐監生父分宅悉以與弟至城東拾三十餘金

訪失者還之又捐田贍黃沙渡修嘉定橋並設茶亭

信豐志

徐拔俊安遠人閩粵寇亂擄掠婦女捐百餘金贖舅氏家

五人歸又捐建宗祠置田贍祀

安遠志

廖有燻庠生定南初無學署康熙間燻毅然出資修理又

贛州府志

卷三十三

行誼

十三

陽陂河為江廣要道燻設渡置田贍之

新志稿

鍾子彥贛縣人康熙二十三年邑饑捐穀五百石日給鄉

中四百餘人里人欲上其事子彥止之每值歲除給錢

米衣服於孤寡死者殮埋之

贛縣志

歐陽啟芳安遠人康熙二十八年捐資開本邑鶴子墟橫

壚填四十餘石灘以便舟楫客商往來祀之稱為開河

福

新志稿

劉子慤字去繁贛縣人勇於為善嘗有貸金者不能償即

焚其券邑西津為往來要道康熙三十二年子慤造船

二隻並贍田租一百五十四石至今賴之

新志增

王頤昌龍南人康熙三十三年歲饑煮粥賑饑冬月製棉

衣贈貧民終身不倦新志

劉維旭字師周贛縣人已分產悉推與兄自謀生理嘗遇  
泰和見貧民鬻妻者給資全之邑當閩粵之衝康熙三  
十三年捐金五百六十兩修石橋鑿通崖道創菴居僧  
歲給穀二十石煮茶以飲行者臨卒命子廷駮出所藏  
券約千金悉焚之贛縣志

歐陽旭字克成安遠人康熙間邑大饑陽旭於大興寺施  
粥所活甚衆又捐銀一百二十兩修龍頭石橋邑令楊

羅俱獎之安遠志

謝君寅字如賓信豐人嘗建祖祠修橋梁道路不勝計重

建燕江墟巍閣以壯形勝邑令屢以賓飲請不就信豐志

贛州府志

卷三十三

行誼

十四

羅燠著長寧諸生慷慨好施康熙三十四年歲饑捐米一

百二十石煮粥以賑巡道旌以惠顧桑梓匾額長寧志

彭始年長寧人康熙丁丑饑以母命捐粟七十石煮粥賑

濟長寧志

謝君寧字作霖信豐人康熙丁丑寇肆劫掠鄉民逃竄殆

盡君寧呈邑令剪除賊魁鄉里安堵信豐志

賴上拔安遠人康熙丁丑丙寅兩歲饑子德林佐父設廠

施賑雍正丙午又饑捐米三百石賑之安遠志

郭大衢字道亨贛縣人少以孝行稱性好周卹貧乏妻七

不再娶次子耀登鄉薦任進賢教諭贛志

邱國柄信豐人嘗買地葬親為賣者所給發土得棺賣者

將昇去國柄曰遷人之親以葬我親我不為也即還其地歲饑有以幼兒鬻者給以錢穀全之

信豐志

劉良延字永年贛縣諸生授先人遺產悉讓諸兄耕田課子足跡不履城市以子時通貴封文林郎年八十卒

贛志

何鳳來字毛伯長寧諸生足跡不履公庭惟建塾教子孫五世一堂雍睦邑中欽式舉鄉飲二次

長寧志

吳穎達字志遠信豐人佃戶尹姓者負租鬻產以半償之又以半償他姓他姓欲盡其所有尹欲自戕穎達知之盡還其償以與他貸者平居緩急告者無不立應

信豐志

劉元首興國人康熙間議修學宮元首即捐杉木價值四百金備公用

興國志

贛州府志

卷三十三

行誼

十五

姚士奎字宋五贛縣人康熙壬午武舉生平篤友誼兄友葉去勝客死於粵遣人收其骨還又友揭金往粵遇盜士奎濟之邑舉鄉飲

贛縣志

邱陵字公偉贛縣人性純篤兄歿遺一子陵撫成之有公田族衆競爭陵即讓衆不問康熙壬午往省拾遺金一百坐守道旁候失者還之善書畫嘗客遊江南入大府皆重之各有題贈年七十二卒子應奎亦善草書有父

風晚年勤學不輟

贛縣志訂

周美帛會昌舉人少貧及壯致千金值大饑美帛賑之盡所積而罷

會昌志

劉爾雅贛縣人白澗灘即中渡為邑街道造二船以渡又

為杯渡菴置茶亭捐租五十石以贍子簡行復捐二十石益之

郭行其贛縣人捐赤珠嶺社倉穀百餘石又倡修化龍橋憇雲亭置義渡於白澗灘捐田租十石贍之

曾家英贛縣貢生捐社倉穀百石又捐田租贍義渡凡橋梁修建必資助焉

鍾竒贛縣諸生嘗建延齡橋於大溪建永貞橋於用公埧建玉貞長安二橋於磨刀地計費數千金康熙甲申歲饑捐穀助賑不濟借倉穀繼之售田以償

周德淑字善也贛縣監生康熙甲申歲大饑出穀助賑壬寅鄉居被火延燒數十家捐穀百餘石賑之雍正甲寅

贛州府志

卷三十三

行誼

十六

水災又出銀助被災之家

俱贛縣志

廖泰護字宏音龍南諸生康熙甲申歲祲出穀六百石減糶又修蛇子崦路後家中落有千金券將往索之北至貸者家窶甚乃焚券而歸子運芳登進士

龍南志

曾汝藻龍南諸生精於醫康熙戊子亂後疫甚汝藻鬻產施藥赴試郡城拾人遺金候失者還之

張志

繆世敏定南人康熙庚寅歲饑出穀數百石以賑乙巳疫施藥濟病建石頭山石橋又助修文廟

新志

呂鳴鍾字和卿興國人幼穎異年十五食餼性恬退潛心理學閒居無惰容絕口不言人過

鍾道謙興國人幼失怙恃鞠於伯母及長事伯母如其母



忠厚渾樸不求聞達從子紹興器識淵宏博覽古書為  
當時名輩所許

俱興國志

唐公族字伯齡安遠人康熙五十二年穀價騰貴公族出  
儲穀數百石賑之

安遠志

謝承詠長寧諸生友愛好義兄泰早亡撫育遺孤如已子  
族里婚喪之無力者竭力周之嘗纂輯名人格言為家

訓長寧志

方福昌贛縣人家貧棄舉業力養父疾侍湯藥歷四十年  
及歿喪祭一循於禮康熙癸巳歲饑買米五百石減價  
平糶子科成進士官知縣

贛縣志

陳其舜安遠諸生康熙五十二年水患其舜賑恤數十家

贛州府志

卷三十三

行誼

十七

雍正四年大饑出穀減價平糶捐百金修義學又置義  
田租五十石贍族中子姪肄業膏火修砌鑿石嶺又逕  
嶺險路建茶亭於流水岫以便行者

宋相允字孚中贛縣人父嘗售田租五十石相允出私財  
贖回與兄均之捐義穀二百石春初借給族隣秋成償  
本又每歲春夏間出倉儲碾米減價平糶出田租三十  
石贍波西津捐修歐潭河田虎腰等處石橋茶亭府縣  
旌以耆賓年八十四卒子聖璵孫君通俱能承其先志

增新

謝君試字臚傳信豐諸生學優不求通顯以事親養志為  
樂友愛二弟終身無疾言遠色以仁厚遇鄉黨間有鷺

蓋不馴者畏其督過多化為淳良屢舉鄉飲不就卒年八十

言豐志

陽惠字惟馨興國諸生幼刻苦讀書幾於目眇足不履公庭徜徉林泉不為名利所動

興國志

焦文明贛縣人置渡船於塘埠每月捐租四石贍之同里人吳彬石捐置田租一百三十石

新志

曾學鑄長寧諸生族故軍籍慮族之貧者運漕日食維艱於國課不敷其數乃捐田一千把嘗曰吾雖為族衆實期不上負國課也遇歲饑出粟相賑他如修橋減租焚券諸舉歲多其事

長寧志

胡大鯨字友龍長寧諸生平生仗義歲荒出粟以賑事關

贛州府志

卷三十三

行誼

十八

於一邑利害者任之凡當孔道橋梁茶亭雖在外邑亦必捐贍

長寧志

黃中斌定南諸生康熙間嘗造邑丁坊橋並二渡又有孤獨二人日給米贍之以終其年

鍾大達龍南人康熙五十七年於程龍河口及逕仔地方各捐建石橋一座六十年山水衝決復捐三百餘金修治之又於塘坑口建石橋置茶亭雍正四年大饑出穀六百石平糶穀不敷借官倉三百石益之秋代納族有鬻子媳自活者達為贖回給以田山令耕種邑令樂旌之舉鄉飲卒年九十二

新志稿

士奇字去異贛縣諸生幼穎悟善書居家孝友延師課

子弟不恤厚幣諸子弟皆能以文學世其業家故軍籍同衛中有悞漕者代為償補人咸服其雅量

贛縣志

袁學賓字觀光贛縣諸生兄弟皆早世學賓撫卹孤寡上慰父母心倡族人建宗祠子弟有秀良者獎勵成就之有郭廷佐遺金於道學賓拾而還之年七十無病卒子世紱乾隆壬申鄉舉行如其父孫嘉保亦舉於鄉嘉德成進士與嘉保並官知縣贈祖父如其階嘉言由諸生例試吏目以賢能陞縣丞人以爲學賓餘慶

參贛縣志

蕭志學興國監生康熙間造武溪橋船歲贖歷三世不倦乾隆七年水發溺死者數百志學質棺瘞之米昂減價平糶

贛州府志

卷三十三

行誼

十九

劉坤瑞字遜文興國人嘗捐千金修興永上邑往來崎嶇之路環砌以石五年工乃竣險阻悉平

興國志

吳翀雱都人康熙間捐修東門外石堤費數百金雍正九年建學輸銀五百兩

新志稿

黃允青定南人雍正初邑徐姓者夫婦相繼亡遺六歲孤一無所資允青託同里繆朋先妻撫之捐已田耕贍後得成立

新志稿

歐陽士星龍南監生雍正元年歲疫施棺三百餘口歲饑捐米二百石賑饑

梁大英字景商信豐監生雍正二年倡捐社倉穀五百石列憲旌之

信豐志

日本字立先長寧諸生嘗捐金造橋路丙午癸亥壬申俱捐粟賑饑屢舉鄉飲不就長寧志

徐之璋龍南監授職州同雍正丙午歲饑出粟減糶又貸借常平倉穀千石分給之不足更捐米八百石以繼全活數千巡道王世繩太守孔興訓各旌之龍南志

曾之佐長寧監生捐資造留車橋以田租三百把贍之雍正丙午饑施粥月餘其子宗高於南門外獨造義學一所又留車橋造瓦亭覆之孫應選應遴捐田租二千把贍族塾乾隆庚辰歲修理學宮捐銀百兩應遴子自齊協其成其他修道路建茶亭減糶濟饑世行不倦

劉興瑚興國人嘗於文溪捐造二石橋倡修白沙石橋費

贛州府志

卷三十三

行誼

二

三百金施於獅子地二亭數十年不倦雍正四年施棉襖以衣單寒修族中廢墓二百餘處乾隆七年水災捐棺掩埋流屍及賑恤餘人事聞賜八品冠帶興國志

黃登甲字漾鰲信豐優生德性淳樸雍正四年舉優貢例當入太學以養親辭免居恒樂善待人以誠不慕聲利蕭然塵埃之外信豐志

謝君輝龍南廩生以例授州同職雍正四年歲饑佃戶逋租三千餘石悉免又出粟八百石倡賑

賴期璧龍南監生弟期選蘄州吏目雍正丙午歲饑各捐米三百石賑濟俱龍南志

劉國正字定一信豐人嘉定橋圯捐千金與僧日御謀修

卒年八十三信豐志

賴標龍南諸生雍正丙午歲饑捐米三百石賑濟修太平

堡橫岡路設茶亭費二千六百餘金寧都彭咸寧記龍南志

鍾大霖龍南例貢修羅盤江彈子寨橋又置縣城東關象

塘二渡修象塘塔下兩路立茶亭義塚助修郡學龍南志

謝大信定南人居鄉敦質行三世同居藹然一堂有義門

之風尤雅好讀書力崇正學勸善戒惡鄉里多為其所

化年七十六雍正六年舉賓筵始履公庭增新

蕭良璋字頴特雩都人授東阿縣丞豐於財而樂施與雍

正八年庚戌學宮圯損捐銀二百以倡遇歲歉穀昂減

價平糶大荒更煮粥賑乾隆甲子捐租一百餘石為兩

贛州府志 卷三十三 行誼 二

庠鄉試卷資雩都志

邱懋仁雩都人雍正九年辛亥修建學宮捐銀三百兩弟

懋學捐二百兩增新

廖有震定南人居家孝友季弟食指繁甚窘資給之生立

多義舉雍正間見他廟逼學宮捐資移置廳治水口橋

路通江廣倡捐修治買田以垂久乾隆間年踰九十增新

會為濂龍南監生歲歉嘗出粟賑修蛇子嵬及羅結路新志

陳堅字石亭信豐增生少魯鈍讀書常徹晝夜執親喪泣

血三年教子孫必以禮雖盛暑不褻衣賓席無譁者朔

望必詣祠墓拜掃雍正十年邑侯陳乃志舉賓飲信豐志

周超字次侯信豐諸生平居不與外事如修崇聖祠清雙

節祠地立社倉諸義舉則挺身任之嗜春秋左氏傳編  
為分國便覽年八十二終

信豐志

熊兆遠定南人弱歲喪母父素患痰疾躬侍湯藥者五十  
餘年兄弟分產不計較兄後蕭條仍聚同爨死以禮葬  
他如捐貲架橋砌路賑饑恤寒諸義不可勝計雍正間  
卒年八十五

新志

陳文安遠貢生嘗設田一百二十桶每年分給子弟為束  
脩及婚聘費又捐錢一百二十千修理義學捐租一百  
二十石為童生應試費雍正十一年饑煮粥賑月餘有  
鬻妻者給以金完聚之修砌錦嶺崎嶇之路溪澗因地  
為橋為筏以便行者西郊義塚厚助其費

安遠志

贛州府志

卷三十三

行誼

三

謝啟均字天山信豐人生母亡事繼母愈加敬謹子姓

信豐志

睦內外肅雍一生不干外事乾隆元年舉鄉飲正賓  
繆之佑龍南監生乾隆三年倡建羅盤江橋及江子頭路  
又建下筭山下烏石逕口歐屋塢太平堡夾湖五橋施

棺凡八十餘

龍南志

唐光文安遠貢生乾隆三年嘗助修學宮建尊經魁星二  
閣及普濟堂賑恤孤寡不倦

新志稿

葉子裕安遠人乾隆己未有姓者遺金於途拾而還之

安遠志

唐盛龍安遠監生乾隆五年建邑南門橋九年復修捐租  
百餘石贍之十六年歲饑捐金施賑建茶亭施棉襖歷  
久不倦

安遠志

廖有燠定南人父旦喪事母以孝聞族間不能嫁娶者捐助復給貲以供其家室父大安置陽陂渡船有燠於乾隆初修理以繼永久施茶湯補橋路好行其惠新志增

鍾高接字美周興國監生乾隆七年壬戌大水募工掩埋流屍次年穀貴出穀平糶數百石新志稿

王廷俊字佑千興國庠生乾隆壬戌戌辰歲饑捐穀百石助賑壬申出穀一百五十石錢八十千貸鄰里不取其

息舉鄉飲新志稿

宋崇智贛縣監生乾隆八年米貴奸民乘機肆掠戒無犯嘗修夾溝路石隄計費百金設白澗灘西河二渡捐租

七十石贍之贛縣志

贛州府志

卷三十三

行誼

三

鍾伯章贛縣監生乾隆八年歲饑出穀四百石平糶嘗設茶亭置義渡施藥救病村人賴之新志增

劉永柱字勳廷贛縣監生嘗獨力建宗祠又建黃鰓吉埠橋梁又於雙橋頭叢埠水口等處設義渡茶亭捐麥地贍之遇饑碾米平糶子積治能承父志孫德訓郡庠生

贛縣志

謝升字第籓信豐人年十三喪母哀痛異凡兒事父及繼母能承順延師教諸弟姪子弟雋良者無親疎皆給以膏火歲饑出錢穀賑濟邑大水漂沒田廬者賙恤之乾隆十年為兩浙鹽運副使頗著能聲信豐志

嗣博字若天贛縣人母歿宿喪次三年不入內室喜周

里凡婚娶無資者助之嘗與一醫士遊有龍尚志患目病不見物醫視之曰可治尚志以無錢泣對嗣溥謂醫曰君治我任其費醫曰非參不可嗣溥竟換參並給他藥費與之遂得復明癸亥大歉出穀碾米平糶舊南門大街無石砌嗣溥費錢九十餘千修之參贛縣志

徐立孝龍南人例授州同同邑黃登泰年五十貧而無子立孝以百餘金為納妾後得二子仍卹其家每歲春夏出穀四百石貸鄰里不取其息間有負者亦不問戊子歲大饑減價平糶郡守李旌之新

謝上安龍南例貢嘗施棉衣修橋路又助修郡學城隍廟茶亭施棺木共費千金有奇龍南志

贛州府志

卷三十三

行誼

二四

戴啟元字長卿信豐人有王姓者目瞽苦饑寒鬻子啟元憫之與金贖還其子信豐志

曾為潯龍南諸生歲饑煮粥賑不繼入楚買米繼之倡築牛陂脩護水口塔址友人張某歿遺子釋給銀令所親撫之子三皆登仕籍參龍南志

謝昌字紹文信豐人例授同知以千金購民居擴學地縣令游法珠為之記族子弟不能就學者與之資貧者為之嫁娶嘗出穀平糶病篤聞觀察董榕修濂溪書院遣子偉捐三百金昌卒董志其墓新志

謝建字宏基信豐貢生十歲生母喪事兩繼母俱得歡心嘗出已所置產公之立宗祠暗遺金以與不能出費者



令得祀族有孀婦窘甚建歲給衣食費全其節族戚子弟力不能學者助之資貧者為之嫁娶又儲醫藥濟病者戊辰饑捐穀六百石以賑壬申又大饑出銀七百兩穀六百石以賑巡撫阿思哈給任恤芳型額旌之年八十卒

信豐志

湛文汪字瀾安贛縣人乾隆戊辰大饑發穀四百餘石減價平糶父老上其事請旌固止之有佃人楊某竊汪族祀田售藍姓而逃族為清理藍私賂文汪不受語於眾曰蓋既失金於楊復還田於我是絕彼全家生命莫若予之券令代楊納租以祀眾諾藍悅服及卒禮部黃世成誌其墓子宇乾隆甲子鄉舉

新

贛州府志

卷三十三

行誼

二五

吳廷章信豐諸生嘗修鎖筒隘橋乾隆十三年饑出穀八百餘石助賑却令旌曰吾非以為名也

信豐志

郭德灝字波千信豐廩貢捐田租為儒學公費又捐六百

金為濂溪書院膏火

信豐志

曹引晃字肇宇長寧監生父明經植章嘗言長寧距省會遠僻邑士鄉試維艱將捐田以贍未行而歿戊辰引晃承父志獨力捐田一千把贍文武鄉試費

長寧志

康天詔信豐人嘗客金陵值火災出千金濟之

信豐志

劉承謨贛縣人乾隆十四年其鄉遇火災二百餘家承謨

捐穀三百餘石賑之

贛縣志

起澗長寧監生同弟起澗起湘乾隆十五年歲饑出穀

照常平倉價減糶又建石橋捐租為修理費長寧志

龍宗皇字靈周贛縣人好調濟貧乏嘗捐百金倡東河義

渡又施租五十石贍舟子贛縣志

藍華封字三祝信豐人職授登仕即好善喜施嘗雇人泚

途惜字宗祠傾圮獨力重修乾隆戊戌歲歉出穀減糶

其子橋蜚聲庠序亦能善承父志新志增

賴文明定南人好施與初大竹園夾水二處無橋文明於

乾隆十六年捐資各購石橋費三千餘金捐社穀四百

石邑人士請建坊旌之新志稿

曾教益安遠貢生乾隆辛未歲饑教益煮粥賑半月又造

石橋於牛尾嶺

贛州府志

卷三十三

行誼

二六

鍾自宏安遠人嘗建鵝公坑木橋坑石橋又建茶亭數處

歐陽輝光安遠人於大嵬腦岡捐租建茶亭修窰前橋子

振起造石橋費數百金俱安遠志

曾綉峯信豐監生建茶亭於鑿石坊乾隆十七年歲饑出

穀百三十石賑鄰里信豐志

郭運臣定南例貢廳境有桐坑逕茶亭捐田四畝以贍乾

隆十七年歲饑發穀四百石賑濟新志增

康國泰興國例貢乾隆二十一年捐造文溪石橋費銀四

千六百兩新志稿

文豹定南諸生乾隆戊寅歲歉發穀數百石賑鄉里丙

子春有客往川乏費將嫁其妻豹贈銀十兩全之建學

舍延名師造就族子弟其薪米束脩等費俱豹主之新

曹引宿字旋北長寧諸生讀書循理人負值不能償即焚

券捐田贍義學膏火長寧志

吳永璘字文潤贛縣人喜賙貧乏親友每歲出穀數百石

貸鄉人秋收其本歷二十年贛縣志

曾應拔長寧監生乾隆二十三年捐二千金建鹽路橋又

建茶亭於曠田邨捐租贍之新志

邱廷儀應珮子事繼母同所生兄弟友愛乾隆癸亥大歉

減價平糶當事有澤潤桑梓之褒靈山廟圯郡守柏僉

廷儀首事獨捐資八百金餘捐修各祠宇不可殫記新

王希淑興國人嘗修河堤煮粥賑饑施棺掩骼興國志

贛州府志 卷三十三 行誼 二十七

劉高魁信豐監生大禾場柯樹陂造二茶亭捐租贍之又

西門外捐造二橋新志

曹引鳳字舉程長寧諸生和厚喜施貸不能償輒焚券出

糶不苛時價屏跡公庭舉鄉飲長寧志

曾為溢龍南人有族叔順宦單傳貧不能聚溢出金助之

並給山田使耕種有葉氏子聘於張過時不婚張密謀

改字溢子敏傳溢得實立喚葉氏子迎娶且贈以奩施

茶蛇子嵬造渡象塘堡皆捐助以贍新

李錫逮字聖禮贛縣人嘗倡建學宮又修福應山歐潭橋

黃鹹橋路南橋亭及五老總坑二茶亭崇埠吉埠二津

渡各捐租銀贍之遇歲饑即減糶捐田租贍族子弟義

學後舉賓飲子國幹貢生復倡修學宮能繼父志

增新

揚珮晶興國例貢乾隆三十年出穀二百餘石減價平糶

又伯祖母以寡婦孤兒相繼歿珮晶為撫其遺孫

增新

鍾瑛字彌燦贛縣人例授同知職少孤能率母教年十四

五即恢先業嘗修興萬二邑孔道三百餘里又捐造永

福橋葺各處茶亭累費七千餘金卒年六十有一子愈

旭愈昌愈暉愈吟等俱受職志行如其父

增新

李春掀興國監生乾隆三十年捐造青華山石添福橋費

千金四十一年又捐造丁公坡添壽橋費七百餘金邑

令鄧以德著津梁額贈之

鍾世芳興國人乾隆三十年乙酉穀昂碾米四百餘石減

贛州府志

卷三十三

行誼

二六

價出糶丙申捐造洪門石橋費一百六十餘金修砌澄

龍要路費二百餘金又於邑東津捐造渡船三隻以濟

徐洪愿龍南貢生捐授鹽知事職乾隆三十四年歲饑出

穀八百石糶濟鄉里每月初二十六日給發孤貧各米

一升廢疾者倍之歲以為常

胡正馨龍南貢生乾隆三十四年歲饑出穀五百石減價

平糶修築南城外河堤四十餘丈田廬賴以保固

邱金榮興國監生乾隆三十五年造崇賢礫興吉橋費七

百餘金四十年造石澣頭永興橋費二千餘金四十

二年造石澣小溪橋費二百餘金知縣吳鄧皆獎之

增俱新

十廷宣安遠人乾隆二十一年捐贍學田租八十石資闔

邑文武兩試及赴舉之費三十七年捐修本邑橋路  
建宗祠家譜不惜多金學校鄉族羣推義舉

新

鄭元志安遠人喜調恤貧乏嘗捐數百金建龍頭堡石橋  
生九子後嗣蕃衍邑令陳以德隆望重額旌之

自元志以下十六人

俱續

賴竚達字濟斯龍南諸生雍正丙午歲饑捐米三百石賑  
濟有弟七達以三子幹楊繼嗣以其產均分兩弟仍分  
已產與幹楊父母死廬墓三年鄉里稱之舉飲賓

廖泰蕙龍南人捐授吏目職乾隆己丑歲歎出穀百餘石  
賑濟於本境打船塢施茶不倦又捐修道路李坡運石  
橋費三百餘金

贛州府志

卷三十三

行誼

二九

鄭重條安遠監生乾隆戊寅捐社穀百石己丑歲歎減價  
平糶癸巳捐造陳荔鋪石橋費二百餘金又捐租十石  
贍土坑茶亭

徐洪志龍南例貢歲饑嘗出穀數百石貸常平倉穀六百  
石減價發糶春夏放無利穀石調恤貧乏凡邑中築堤  
建廟修誌公舉皆身先輸助不惜多金鄉里俱為推重  
陳以治贛縣人性孝友好行善事年荒必竭力調恤息訟  
解紛人皆服其公平子元第任萬年縣訓導長於詩前  
令沈重修邑志曾聘為分校

曾敏傳龍南人歷任山東永阜場四川雲安場鹽大使所  
至皆有政聲乾隆己丑歲歎其子光詵出穀三百餘石

以賑又捐修小斜嶺山路費百二十餘金

杜春暹安遠諸生年十一失怙家貧刻苦自立事寡母甚孝友愛二幼弟以次授室猶弗忍析爨附學數十年授徒自給屏跡公庭乾隆十九年舉賓筵不就

王敬瀚龍南人捐授鹽大使職乾隆己丑歲歉出穀二百餘石平糶本邑龍運老茶亭張公廟二十餘里山徑崎嶇敬瀚僱石工開鑿砌成大路又捐造橫木坑龍村填鹽馬頭坑跌馬坑灑口河等處橋梁六座累費二千三百餘金

曾敬傳龍南歲貢乾隆乙丑捐建祥雲菴費四百餘金復贍租三十餘石己丑歲歉出穀平糶計五百餘石又捐

贛州府志

卷三十三

行誼

三十

二百餘金建公婆洞石橋春夏貸無利穀石有負者亦置弗問

歐陽泰字一山安遠監生乾隆乙未捐造魚仔角石橋費百七十餘金郡守吳錫名曰壽豐復捐金五十租八桶為膳茶之費水安坊等處道路溪河多不便行旅泰隨時修補為筏為橋各得其宜有死喪不能歸葬者悉施棺資襯之

劉高揚龍南人舉飲賓嘗捐修小溪石橋及角泥坳起鵝胸各處道路橋梁累費千七百餘金外戚曾和萬年老乏嗣揚代為納妾乾隆己丑歲歉賑穀百二十石庚寅遊江南偶見江北被火難民露處出多金施濟之

區陽振捷龍南人乾隆壬申歲歉出穀三百石減價發糶已丑饑復出五百餘石平糶恐不繼往下游採買接濟耕佃有積欠者悉免之又捐造樹涼砦僧舍十餘間施棺二百副

曾先綬龍南人捐授州同職歲歉出穀平糶計九百餘石又捐造赤珠坳石橋費七百餘金外戚鍾掄藻貧而乏嗣綬爲資助納妾人皆稱其義

鍾元亮興國諸生舉飲賓嘗捐修祖祠二所乾隆壬戌邑被水捐穀數百石賑濟壬申乙酉歲歉俱減價平糶曾邦寅龍南人捐授從九品試用江蘇嘗捐修象塘堡要路塔下石橋累費千金歲饑出穀三百餘石賑隣里又

瞻茶亭施藥餌以濟行旅疾貧感德者衆

論曰古之所謂質行者門內之行也今於人物中既別列孝友傳則門內之行盡之矣然又曰質樸曰質實則凡鄉黨自好能自潔其身者皆得以質行槩之子張問善人之道夫子以爲不踐不入蓋質美而未學者也至於達士質直而好義君子義以爲質則凡善行義行又皆得以質行概之今所傳凡數百人渾而一之曰行誼則某也善某也義某也質又皆可以所傳行誼見之王荆公曰虔雖地曠以達得所以教亦將有以聰明其耳目而善其心揚誠齋曰贛之爲邦其民果而挾氣激而善爭可因之使果於義激於

節與名今編斯傳而知善其心者其心之所發無不善也果於義者其善端之所發無不義也而節與名之所激孰非善義之所溢而流二公之言其信而有徵也夫

耆年

明 朱源 呂紹正 黃清 李愷 蕭立忠

謝天相 徐養識 劉宏 謝廣纘 郭守諒

國朝劉君先 袁大高 宋日漸 傅天和 鍾揚

賴大樂 梅毓真 劉廷相 潘尚產 鄒啟禴

溫和燦 唐盛先 唐其振 李越彥三人 唐仕達

林崇枚 劉廷標 唐福三人 王待行 陳瑞如

贛州府志

卷三十三

耆年

三二

林芬 陸科詔 謝蕙芝 何慶永 劉本支

劉啟翔 鍾遠綏 鍾添佑

明

朱源字本深贛縣人飭躬篤行教授閭里都御史王守仁作興社學以耆儒禮之嘗命其率所教童子入射圃歌詩演禮歲與賓席年九十有七贛縣志

呂紹正字心古興國人為人好義樂善嘉靖十六年舉賓飲歷舉九次年九十三興國志

黃清字西泉信豐人為人恂恂恭謹為善惟恐人知歲饑屢出穀助賑足跡不入官府年百歲屢舉鄉飲賓萬歷六年以綽楔表其閭曰熙朝通德信豐志



李愷興國人爲人重義樂與賢豪長者相結泰和郭子章  
微時嘗與遊深重之縣令易道元延致賓飲卒年九十  
有一張志

蕭立忠字葵東雩都人萬歷十九年貢由晉江訓導歷陞  
饒州府教授致仕三十六年卒年九十五歲雩都志

謝天相字吉夫安遠人由掌道考授判簿年一百一歲萬  
歷四十四年絹米三賜安遠志

徐養識龍南人五歲失怙能承母歡萬歷壬子補諸生母  
年百有一歲歿執喪禮甚謹卒年九十有六龍南志

劉宏興國人嘗捐資修學賑貧掩骼舉賓飲年九十三興國志  
謝廣續定南人舉賓飲卒年九十有八定南志

贛州府志

卷三十三

耆年

三三

郭守諒安遠人爲人動必由禮睦隣周乏老而彌篤年及

期頤建百歲坊安遠志

國朝

劉君先安遠人嘗破巢寇有功卒年九十有二安遠志

袁大高字書樓信豐人富而好禮樂施不倦邑令疊旌之  
卒年九十一張志

宋日漸雩都人性恂舉鄉飲年八十七無病而卒

傅天和龍南諸生家貧以尚書教授生徒邑士有聲者多

出門下絕跡公門年至百歲龍南志

鍾揚字洪字長寧人居鄉忠誠年一百二歲

賴大樂長寧人舉賓飲年九十九歲俱長寧志

梅毓真字廷煌興國人邑令黃惟桂濬春口壩成擇邑中  
高年有德者先渡以落之得五老毓真為首卒年九十  
三

劉廷相字五瑞興國人康熙丁巳歲貢丁亥選安義訓導  
年八十九矣遂固辭嘗傾橐數百金建縣南德星橋民  
不病涉每遇災荒賑貸貧乏好行其德年九十有一

俱興國志

潘尚產贛縣人年踰九十康熙五十四年重建梅林石橋  
又捐置本境義塚二處乾隆八年癸亥米昂減價平糶  
鄉里稱耆德

新

鄒啟禴字元裕信豐人為人樸質平糶賑饑多善行雍正

元年舉鄉飲年踰九十

信豐志

贛州府志

卷三十三

耆年

三四

溫和燦字兆燦安遠人舉飲賓雍正六年授八品冠帶年

九十二

安遠志

唐盛先安遠人好讀書不應試性直與人交責善規過絕  
無忌諱見人危急輒濟之年九十餘卒

唐其振字喬郁安遠人雍正八年舉鄉飲年踰百歲

李越彥黃慧陳文輝俱安遠人年皆九十八歲

唐仕達字毓亨安遠人舉飲賓年九十六

林崇枚字卜茲安遠諸生年九十五

劉廷標安遠人年九十三

唐福字憶恩蕭開貴字公信俱安遠人年俱九十三

俱安遠志

王待行興國人舉賓進年一百有七

興國志

陳瑞如字明玉贛縣人性簡厚好施年九十歲

林芬字康玉贛縣人乾隆元年年九十給八品冠帶贛縣志

陸科詔字少梅信豐人為入絕去俗尚卒年九十有七信豐志

謝蕙芝贛縣人乾隆元年給八品冠帶六年舉鄉飲正賓

年一百有一

何慶永信豐人好施予隣里有貧乏不能自存孤弱不能

娶者為之調恤道有露骸則瘞之卒年九十有四信豐志

劉本支字百世安遠人舉飲賓卒年九十二安遠志

劉啟翔贛縣人由郡吏選順德刑臺典史廉介清慎年

八十致仕歸卒年九十有四

鍾遠綏字文菴興國人力學工文淡於進取年八十見曾

贛州府志

卷三十三

著年

三五

元五世無疾而終參興國志

鍾添佑贛縣人年踰一百有四舉飲賓性簡厚勇於行善

修補橋路多捐金倡助歲歉必量力出穀減糶壯時為

宿倉側有近里人將竊其穀佑覺之起視里人急持倉

板擊佑左額顱仆地家人欲鳴諸官佑曰彼貧無奈至

此耳吾傷非致命何拖累為眾皆歎服續增